

Museo Arqueologico Aruba a presenta “Timeline” di su 30 aña di existencia riba website

ORANJESTAD - Ayera mainta tabatin un conferencia di prensa pa recorda e di 30 aniversario di existencia di Museo Arqueologico Nacional Aruba.

“Awe ta un dia hopi special pa museo pasobra awe dia 20 di december nos ta conmemora con 30 aña pasa a habri e Museo Arqueologico”, asina Relacionista Publico di e museo menciona sra. Margaret Wever a bisa.

Sra. Margaret Wever a menciona e labor cu hendenan cu vision manera drs. Egbert Boerstra (q.p.d.) y di sr. Evelino Fingal tabatin, ya cu nan a bin cu e iniciativa pa crea e fundeshi di e Museo Arqueologico di Aruba. Nan tabata esunnan interesa pa presenta e arqueologianan di Aruba na publico. Tres decada despues, Museo Arqueologico di Aruba, ta un joya di museo. Museo Arqueologico di Aruba na Zoutmanstraat 1 ta pre-



Ayera Relacionista Publico di Museo Arqueologico, sra. Margaret Wever hunto cu directora di e museo menciona, drs. Arminda Frankel-Ruiz, a tene un conferencia di prensa a anuncia un serie di actividad den cuadro di 30 aña di existencia di e museo aki.

senta tur bishitante su herencia arkeologico rico na publico. E museo aki no solamente ta algo grandi pa nos, sino cu e tabata alabes un di e prome museonan arqueologico den Caribe.

PRESENTACION DI “TIME-LINE”

Pa conmemora esaki, sra. Wever a presenta un “Timeline” cu a ser traha riba nan web-site: www.namaruba.org cu for di ayera tabata online.

El a splica cu unabes cu e persona ta consulta nan website, y e ta click riba e link Timeline, esaki ta mostra full e historia di e museo, con nan a cuminsa, con nan a desaroya y con nan ta actualmente. E ta cuminsa na aña 1880 pasobra e tempo ey, aunke e no tabata un Arqueologo profesional, a cuminsa cu e prome excavacion riba nos teritorio dor di Father Antonius Joannes. Father Antonius Joannes su descubrimientonan importante ta ser exhibi debidamente conserva den infraestructura di Museo Arqueologico Aruba.

Durante su relato pa prensa, sra. Wever a ser treci dilanti nan expectativa pa e futuro. Pa aña 2012, Museo Arqueologico ta celebra su 30 aniversario di existencia

cu un agenda di actividad cu hopi contenido y interesante. Nan ta organisa actividadnan pa atrae publico grandi pa via di programanan educacional y recreacional. “Museo no ta solamente un sala di exposicion”, asina Margaret Wever a bisa.

Den cuadro di e concepto aki nan ta organisa curso y workshopnan, ademas di exposicionnan temporario manera e exposicion exitoso “Rancho” cu a duna honor na e area unda e localidad nobo di e museo ta. Otro exposicion temporario tabata “Oh, Aruba nos baranca tan stima” cu a habri e aña aki enconexion cu 25 aña di Status Aparte. E tabata un proyecto interesante entre sector publico y sector priva. □